



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Diatribai De Primis Veteris Frisiae Apostolis, Sive
Dissertationes, quibus eoru[m] anni, actus, res,
personae, loca, tempora in eorundem actis occurrentia,
discutiuntur, illustrantur, erroresque ab ...**

Bosschaerts, Willibrord

Mechliniae, 1650

91. De B. Euermaro Frisio S. Willibrordi Spirituali faetu.

urn:nbn:de:hbz:466:1-10958

DISSERTATIO LXXXI.

De B. Euermaro Friso S. Willibrordi
Spirituali fetu.

FAs non sit silentio præterire B. Euermarū Mar-
tyrem S. Willibrordi præclarum factum. Is no-
bilis vixit Friso regente Pipino filio B. Beggæ
& S. Willibrordo per Frisiam prædicante, cuius
salutaribus concionibus & monitis è gentilium
tenebris in Christianam lucem esse traductum, omnino est
credendum. Inter cætera pietatis opera summæ curæ ha-
buit ad Sanctorum loca peregrinationes instituere. Ea pi-
etate animatus è longinquâ patriâ per tædiosa itinera &
vasta montium iuga in Galliciam ad Reliquias S. Iacobi A-
postoli Compostellæ honoratas concedit. vbi per aliquot
dies Sanctum venerans supplex diuersa deuotionis offi-
cia explet Christiano de more. In reditu sibi similis varia
Sanctorum loca inuisit. Intelligit Traiecti ad Mosam in
summa veneratione haberi Lipsana S. Seruatij Tungro-
rum quondam Episcopi eaque miraculis fulgere: iuc-
rescit statim animus eo contendere & vt perueniat, di-
uertit ad quemdam Hacconem in silua Harfclapia cum
septem suis comitibus nihil sinistri suspicatus. Tyrannus
erat Hacco Christiano nomini perquam infensus, qui in-
uidus impensi & impendendi honoris viro Dei Seruato
Euermarique virtutum decora non ferens, instigante dia-
bolo eum cum socijs crudelissimè interimit. Corpus ibi-
dem

dem humo opertum verosimiliter à Christianis id loci habitantibus, cum à Tyranno qui mallet Christianorum corpora auibis ferisq̄ue discerpenda relinquere, id factum non sit valde credibile. Iacuit sepulchro absconditum honoris expers per duo & amplius sæcula vsque dum virtuosus quidam Presbyter in Ecclesia S. Martini orationi intentus tertio per Angelum admonetur vt Episcopum adiret intimaretque Deum velle sacrum corpus è tenebroso loco in apertum produci & publico cultu honorari. Gerebat tum Pontificiam dignitatem Ecclesiæ Leodiensis Heraclius vita doctrinaq̄ue insignis Episcopus 45. qui accepto nuntio lætus properè eò aduolat, in oratione se prosternit & ecce reiecta humo denudato corpore fragrantissimus odor exhalabat æternæ receptæ gloriæ testis. Inde pergrato odore perfusus Heraclius palam exultat: gratulatio & acclamatio fit omnium adstantium: erigitur corpus & in loco qui Ruthen dicitur haud procul Tungris festiuo plausu decenter collocatur à populo deinceps adorandum; & hanc eleuationem tot subsequuta sunt miracula, quod descripta ingens volumen efficerent, inquit Molanus in Natalibus SS. 1. Maij. numeraturque inter præclara gesta Heraclij Antistitis Leodini. Perseuerat eius cultus etiamnum in Ecclesia Ruthensi Collegiata & vicinis Tungris. Annuatim Sacra Lipsana ab Ecclesia Ruthensi in Tungrensem solemnè pompa & crebro vicinorum concursu inferuntur & reducuntur non ad paruam Frisiorum gloriam, qui ipsum Tungrensis pepere- runt. Dolendum sociorum patriam nominaq̄ue memoriæ non esse consignata. Patriâ Frisios Eueruarii conterraneos fuisse ex societate posset conijci & credendum eos cum ipso sempiterna gloria frui quamuis apud mortales in ob- scuro delitescant. Annum Martyrij silent historiæ. Cum
verò

verò, teste Molano in Indiculo Sanctorum, Martyrium subierint sub Pipino filio Begge, consequitur cælos petijse ante annum 715.

DISSERTATIO LXXXII.

Quidnam egerit Pipinus post necem S. Lamberti & refutatur Vulgata opinio ex Marcellino desumpta.

Simul ac auditum fuerat Pipino Hubertum Infulis decoratum Traiectum appulisse, non mora, splendido cinctus comitatu eò properat, Cognato suo de recenti dignitate gratulaturus & Episcopum splendidis officijs demeriturus. Ast S. Antistes memor moniti quod Dominus dedit Episcopo Ecclesiæ Sardis: esto vigilans & confirma cetera quæ moritura erant, Pipinum licet in se officiosum, sedis adulterij vndis etiamnum innatantem hortari ad pænitentiam, instigare, arguere, increpare; negare sibi quidquam cum illo aut esse aut fore commune, priusquam ad mentem redeat, minari se ei Ecclesiæ communionem interdixurum nisi resipiscat, idque palam orbi facturum. Mouetur hisce non parum Pipinus, sed non permouetur. tandem tamen non desistente Huberto, suo Pastori obedit, vt postmodum dicitur.

Interim hîc conueniendi sunt qui ducti relatione Marcellini, qua cap 25. enarrat Plectrudem per Swibertum & Agilolphum Episcopos rogasse Pipinum moribundum, ne filios suos legitimos, Drogonem & Grimoaldum exhæredaret, & nihilominus Pipinus moriens ijs præteritis, Carolum Martellum illegitimum hæredem inscripserit, colligunt